

Quando dominus anni, & dominus radicis fuerint infortunati, fueritq; dominus anni retrogradus, uel combustus, & Luna similiter fuerit infortunata a loco in quo nulla sit receptio, significat quòd ille cuius est reuolutio seipsum interficiet illo anno, aut committet rem propter quam occidetur, uel propter quã recipiet magnum damnum, & grauitatem, maxime si fortunæ remotæ fuerint, & cadentes ab eo. Et si ibi fuerit aliquod testimonium fortunarum, aliquantulum remouebunt malum, aut iuuabunt, ut euadat & exeat ab illis impedimentis, & anxietatibus.

Dominus anni cadens ab ascendente, & Luna uacua cursu, significat uacuitatem, & pigritiam nati in omnibus rebus. Similiter etiam si Luna non aspexerit domum suam, & applicuerit planetæ debili.

Quando dominus anni aspexerit ascendens, uel signum profectiois ascendentis de quadrato uel opposito, est sicut aspiceret eò infortuna, significat enim malum illo anno. Quòd si aspectus fuerit trinus, uel sextilis, significat contrarium.

Si fuerit dominus anni combustus, accident illo anno impedimenta nato, anxietates, & fortes dolores de natura illius planetæ, qui fuerit dominus anni, commixta cum natura Solis. Similiter si planeta idem cum eo quòd combustus sit fuerit auctus lumine, & numero, malum impedimentum, & infortunium minuit. Similiter si fuerit in domo sua, uel in aliquo locorum, in quibus fortificatur uirtus eius, minuit de malo. Tamen si fuerit in casu suo, cadensq; ab angulis, & in locis in quibus debilitatur eius natura, crescit in malo, & impedimento suo.

Si reperiatur Cometa in ascendente reuolutionis, uel radicis, uel in loco Lunæ natiuitatis nocturnæ, peribit natus eo anno.

Fortuna radicis, si fuerit dominus loci mortis, & in reuolutione peruenerit ad significatorem uitæ, uel significator ad eum, abscindit sicut infortunans stella.

Quando Sol & Luna fuerint significatores uitæ, & si directio eorum ad ascendens radicis pertingeret, significat mortem.

Quando gradus ascendentis fuerit uitæ significator, & profectio eius peruenerit ad locum Eclipsis, significat mortem.

Pars fortunæ significatrix uitæ, siue Hylech, si ad gradum Eclipsis applicuerit, significat mortem.

Eclipsis Solis in quouis loco ubi fuerit cauda in radice, si fuerit in eodem gradu, eo anno natus ille morietur. Si autem prope gradum illum, ueniet in periculum mortis.

Eclipsis in aliquo angulo radicis, & maxime in ascendente in ipsomet gradu, minatur etiam mortis periculum.

Si in radice natiuitatis Saturnus fuerit in signo igneo, & uitæ significator in aqueo, aut terreo, & Saturnus eò radios iaculetur, erit eo anno mors nati in quo significator ad Saturni radios peruenerit.

Cum fortuna fuerit domina loci mortis radicis, & in reuolutione anni iuerit ad significatorem uitæ, uel significator ad eam, abscindet sicut infortunans stella.

Cum gradus ascendentis fuerit uitæ significator, & profectio anni peruenerit aliquo anno ad locum Eclipsis, ea Eclipsi mortem nato denuncia.

Si luminare fuerit uitæ significator, & peruenerit profectio anni ad locum Eclipsis, uel ad medium cœli Eclipsis, damnabit uisum nati. Et similiter si applicuerit ad loca luminarium, aut in radice uitæ significator, damnum erit nato in honore & diuitijs.

Venus in octaua, hæreditatis portionem, & diuitiarum incrementa significat. Dominus ascendentis reuolutionis cum cauda, ueneni pocula uitanda ostendit.

Quoties in reuolutione aliqua dominus gradus ascendentis peruenerit ad ter-